



BRIFF

SWYDDOG YMGYSYLLTU Â CHASGLIADAU

Ailgyhoeddi 18 Mai 2026

Rhanbarth: Cymru

Math o Swydd: Cyflogaeth uniongyrchol tymor penodol

Cyflog: £18,000 0.6FTE (Cyfwerth ag amser llawn £30,000)

Wedi'i feincnodi yn erbyn gradd gyflog Amgueddfa Cymru-Amgueddfa Cymru E.

Pensiwn 4%-4% cyflogwr-gweithiwr

Lleoliad: Gregynog, Powys, Cymru, SY16 3PL

Contract: 10 mis, Gorffennaf 2026 – Mai 2027 (gyda'r posibilrwydd o estyniad, yn amodol ar gyllid)

Oriau: Hyblyg 21 awr/wythnos gydag o leiaf ddau ddiwrnod/wythnos ar y safle

Mae Gregynog yn dymuno penodi arbenigwr casgliadau fel rhan o brosiect Cronfa Dreftadaeth y Loteri Genedlaethol, *Codi'r To!*

<https://gregynog.org>

Dyddiad cau ar gyfer ceisiadau: 0900 22 Mehefin 2026

Cynnwys

1.0 Cefndir	t 3
2.0 Prosiect	t 4
3.0 Disgrifiad o'r Rôl	t 5
4.0 Amodau penodi	t 6
5.0 Manyleb Bersonol	t 7
6.0 Cais	t 9
7.0 Meini prawf asesu	t 10

1.0 Cefndir

Ynglŷn ag Ymddiriedolaeth Gregynog

Cafodd Ymddiriedolaeth Gregynog ei hymgorffori ar 15 Tachwedd 2016 fel Cwmni Cyfyngedig Preifat Rhif 10479711 a rhoddwyd Statws Elusennol iddi gan y Comisiwn Elusennau ar 30 Tachwedd 2018 - Rhif Elusen gofrestredig 1180943.

Er bod Gwasg Gain Gregynog (*Fine Press*) wedi'i leoli yng Ngregynog, mae'n Gwmni Cyfyngedig ar wahân ar hyn o bryd. Mae Ymddiriedolaeth Gregynog mewn trafodaethau i arddel perchnogaeth lawn ohoni yn 2026. Mae Gŵyl Gerdd Gregynog yn gwmni cyfyngedig ar wahân, ac mae Cerddorion Ifanc Gregynog yn elusen ar wahân, ac nid yw'n rhan o'r Ymddiriedolaeth.

Ynglŷn â Gregynog

Mae Gregynog yn ystâd 750 erw sy'n cynnwys y Plasty rhestredig Gradd II*, strwythurau concrit cynnar a gerddi a dirluniwyd gan William Emes ac yn ddiweddarach gan Dame Sylvia Crowe, ynghyd â Safle mawr o Ddiddordeb Gwyddonol Arbennig (SoDdGA), gwarchodfa natur ddynodedig ac arboretwm, cronfa ddŵr Gwgia, llyn, tir fferm ac adeiladau. Mae coetiroedd derw mes digoes hynafol Gregynog yn rhan o Goedwig Genedlaethol Cymru.

Er bod hanes Gregynog yn ymestyn yn ôl ganrifoedd, efallai ei fod yn fwyaf adnabyddus am ei ddeiliaid o'r 20fed ganrif, y chwirydd Gwendoline a Margaret Davies. Chwaraeodd y ddwy foneddiges ddyngarol nodedig hyn, a oedd yn entrepreneuriaid cymdeithasol ac yn gasglwyr celf enwog, ran hanfodol yn hanes diwylliannol, addysgol a chymdeithasol Cymru gan ymgartrefu yng Ngregynog.

Mae Ymddiriedolaeth Gregynog wedi ymrwmo i ofalu am y tŷ hanesyddol pwysig hwn a'r ystâd weithio ac i adnewyddu a gwella'r rhain. Hyd yn hyn rydym wedi codi tua £800K i gyfrannu at ein gwaith cadwraeth natur, i adnewyddu ein Gardd Furiog a mynediad i'n gerddi hanesyddol. Mae'r Ymddiriedolaeth wedi dechrau gweithio ar gam datblygu ei hymgyrch Codi'r To gwerth £5m a gefnogir gan y Gronfa Dreftadaeth – a fydd yn gam mawr ymlaen wrth drawsnewid y plasty a'r casgliadau celfyddyd gain a'r crefftau cymhwysol arbennig a geir ynddi.

Rydym yn croesawu ymwelwyr, i gynnal a chreu cynadleddau a dadleuon ysgogol i ddatblygu gweithgareddau newydd ac i fwynhau amgylchedd adferol. Rydym yn gwerthfawrogi ein hanes ac, yn ysbryd y weledigaeth a ganmolwyd gan ei chyn-berchnogion, bydd Gregynog yn parhau i chwarae rhan bwysig yng nghalon Cymru a bywyd economaidd, cymdeithasol a diwylliannol ehangach y wlad ar gyfer cenedlaethau'r dyfodol. Bydd ein gorchwyl o ofalu am Gregynog a'i

adnewyddu yn golygu y byddwn yn gallu rhannu ei hud gan greu cartref mwyaf croesawgar Cymru ar gyfer natur, dysg a'r celfyddydau.

2.0 Prosiect Codi'r To!

Mae Codi'r To yn brosiect cyfalaf gwerth tua £5 miliwn. Mae'r rhaglen gwaith cyfalaf yn canolbwyntio ar waith atgyweirio brys a hanfodol ar do plasty Gregynog sy'n agosáu at ddiwedd ei oes ddefnyddiol. Bydd gwaith cysylltiedig yn atgyweirio neu'n disodli nwyddau dŵr glaw, ffasgiâu ac estyll talcen, ac yn ymgymryd â gwaith tir hanfodol i wella draeniad. Mae'r prosiect hefyd yn rhoi'r cyfle i wneud addasiadau ar gyfer newid hinsawdd a gwella'r seilwaith hygyrchedd. Atgyweirio'r to yw'r cam cyntaf wrth adfer yr adeilad, gan sicrhau'r lle hudolus hwn ar gyfer cenedlaethau'r dyfodol a datgloi ei botensial ehangach.

Ochr yn ochr â'r gwaith cyfalaf, mae'r prosiect yn gwahodd pobl i ymgysylltu â stori nodedig y Chwirydd Davies yn eu cyn-gartref, trwy eu casgliadau, ac o fewn amgylchoedd naturiol eithriadol Gregynog. Bydd y prosiect ehangach yn cynnwys y gwaith o ddatblygu'r sefydliad er mwyn cefnogi cynaliadwyedd hirdymor yr Ymddiriedolaeth; bydd yn sefydlu rhaglen gerddoriaeth a gwyliau wedi'i hadfywio a chyfres o ddigwyddiau.

dau bywiog sy'n canolbwyntio ar y celfyddydau a natur; yn meithrin ac yn cryfhau partneriaethau â sefydliadau cysylltiedig a'r gymuned leol; yn datblygu strategaeth ddehongli ar gyfer yr ystâd; ac yn datblygu a chyflwyno rhaglen wirfoddoli i gefnogi cynaliadwyedd yr Ymddiriedolaeth.

Mae cyllid wedi'i sicrhau gan Gronfa Dreftadaeth y Loteri Genedlaethol, Cronfa Dreftadaeth Bensaernïol, Ymddiriedolaeth y Pererinion a Chymdeithas y Tai Hanesyddol i gefnogi Cyfnod Datblygu'r prosiect gwerth £961,591 ac rydym bellach yn adeiladu ein tîm prosiect.

Pensaer ac Arweinydd Tîm Dylunio Buttress <https://buttres.net/>

Rheoli Prosiectau Lode Heritage <https://www.lodeheritage.com/>

Ymgynghorydd Dehongli a Chynllun Gweithgareddau Headland Design
<https://www.headlanddesign.co.uk/>

Gwerthuswr The Audience Agency <https://theaudienceagency.org/en>

Ar hyn o bryd rydym wrthi'n penodi Ymgynghorydd Cynllun Busnes ac Ymgynghorydd Codi Arian i gwblhau ein tîm prosiect.

3.0 Disgrifiad o'r Rôl

Bydd y rôl yn cefnogi ac yn datblygu enw da Gregynog fel canolfan ffyniannus ar gyfer y celfyddydau, creadigrwydd a natur. Bydd yn rôl allweddol wrth gynyddu gwelededd a mynediad at Gregynog a'i gasgliad, a chefnogi cyflawniad prosiect Codi'r To a ariennir gan Gronfa Dreftadaeth y Loteri Genedlaethol.

Rheoli Casgliadau

3.1 Datblygu strategaeth gofal casgliadau ar gyfer gofalu, cadwraeth, dogfennu a digideiddio casgliadau gwrthrychau a thu mewn hanesyddol Ymddiriedolaeth Gregynog, yn unol â safonau'r DU o ran gofalu am y casgliadau, eu dogfennu a'u rheoli, ynghyd â pholisïau casgliadau a benthyciadau a chynllunio ar gyfer argyfyngau

3.2 Datblygu cynllun gweithredu ar gyfer gofalu am gasgliadau i gefnogi'r strategaeth hon a nodi a chostio rhaglen o waith blaenoriaeth i'w cynnwys yng Nghyfnod Cyflawni prosiect Codi'r To

3.3 Rheoli'r llyfrgell gyffredinol, casgliad llyfrau'r wasg breifat, a deunyddiau archifol

3.4 Gweithio gyda chydweithwyr i fonitro a chynnal arddangosfa ddiogel o'r tu mewn hanesyddol i'r mantais orau bob amser

Mynediad at Gasgliadau

3.5 Hwyluso mynediad cyhoeddus at gasgliadau, llyfrgell ac archifau Ymddiriedolaeth Gregynog ac ateb ymholiadau ymchwil

3.6 Rheoli ceisiadau am ddelweddau ar gyfer cyhoeddiadau allanol a cheisiadau am fenthyg gwrthrychau

3.7 Cefnogi tîm prosiect Codi'r To i gael mynediad at gasgliadau, llyfrgell ac archifau, delweddau a gwybodaeth, gan ymgymryd ag ymchwil i gefnogi cynlluniau prosiect, dehongli a rhaglenni cyhoeddus a dysgu yn ôl yr angen

3.8 Cynnal ac adolygu asesiadau risg, polisïau iechyd a diogelwch a pholisïau eraill i reoli a rhannu'r arddangosfa gasgliadau'n ddiogel.

3.9 Cyfrannu at bresenoldeb ar-lein Gregynog drwy'r wefan a thrwy bostio gwybodaeth ar y cyfryngau cymdeithasol yn ogystal â chofnodion blog mwy manwl ar gyfer y wefan.

Gwirfoddolwyr Casgliadau a Gwaith Curadurol

3.10 Datblygu a rheoli rhaglen wirfoddoli weithredol a hygyrch i gefnogi'r gwaith o ddehongli a datblygu'r casgliadau, y llyfrgell a'r archifau a gofalu amdanynt.

3.11 Datblygu a rheoli rhaglen wirfoddoli weithredol a hygyrch i gefnogi'r gwaith o ddatblygu a chyflwyno rhaglenni cyhoeddus yng Ngregynog

Eiriolaeth

3.12 Cysylltu â sefydliadau a sefydliadau allanol fel Amgueddfa Cymru, Llyfrgell Genedlaethol Cymru ac ArtUK yn ôl yr angen

3.13 Ymchwilio a manteisio ar gyfleoedd ar gyfer cyllid ar gyfer prosiectau ac arddangosfeydd, ysgrifennu ceisiadau am grantiau sy'n ymwneud â chasgliadau, llyfrgelloedd ac archifau yn ôl yr angen

3.14 Ceisio ac annog cyfleoedd i rwydweithio a datblygu gyda sefydliadau ac unigolion proffil uchel i lywio a datblygu gweithgareddau / rhaglenni Gregynog yn y dyfodol.

3.15 Cynorthwyo Gregynog Enterprises Limited i ddatblygu a rheoli gweithgareddau masnachol sy'n gysylltiedig â'r casgliadau, y llyfrgell a'r archifau (er enghraifft trwyddedu, nwyddau, arddangosfeydd gwerthu, gweithgareddau â thâl ac ati) gan gynnal safonau arfer gorau wrth ofalu am gasgliadau

Dyletswyddau eraill

3.16 Cyflawni'r holl weithgareddau yn unol â pholisïau Cydraddoldeb ac Amrywiaeth ac Iechyd a Diogelwch Gregynog.

3.17 Cyfrannu at gyfarfodydd adolygu a chynnydd Cyfnod Datblygu Cronfa Dreftadaeth y Loteri Genedlaethol yn ôl y gofyn

3.18 Unrhyw ddyletswyddau rhesymol eraill a geisir sy'n gymesur â gradd y rôl hon.

4.0 Amodau penodi eraill

4.1 Mae'r hawlfraint ar yr holl ddeunyddiau a gynhrychir tra byddech yn y swydd yn parhau i fod yn eiddo i Ymddiriedolaeth Gregynog a'i phartneriaid prosiect. Bydd gan Ymddiriedolaeth Gregynog hawl i ddefnyddio'r deunyddiau hynny fel y gwelant yn dda a heb gyfyngiad.

4.2 Rhaid i'r holl waith a gynhrychir gefnogi gofynion yr Elusen a'r ariannwr. Dylid rhannu'r holl waith gyda phartneriaid yn ôl cyfarwyddyd yr Elusen.

5.0 Manyleb Bersonol

Hanfodol
Profiad
Profiad o reoli casgliadau a churadu celfyddydau a threftadaeth mewn sefydliad celfyddydau neu oriel gyhoeddus/amgueddfa/safle treftadaeth neu sefyllfa debyg.
Gwybodaeth ymarferol dda am gelfyddyd gain ac addurniadol, llyfrgelloedd ac archifau.
Profiad o ymgysylltu â chynulleidfaoedd â chasgliadau treftadaeth a/neu ystadau hanesyddol
Profiad o gychwyn a rheoli prosiectau
Profiad o gynorthwyo i ddatblygu ceisiadau am gyllid allanol
Dealltwriaeth o botensial hanes, casgliad a thirwedd Gregynog fel adnodd ar gyfer ymchwil ac ymgysylltu â chynulleidfaoedd.
Sgiliau a Phrïodoledau
Y gallu i drefnu a strwythuro gwybodaeth weledol ac ysgrifenedig, ac i ddatblygu cynnwys manwl-gywir a deniadol o fewn terfynau amser tynn.
Sgiliau cyfathrebu rhagorol, yn ysgrifenedig ac ar lafar
Hyderus wrth weithio a datblygu cynnwys ar amrywiaeth o lwyfannau corfforol a rhithwir.
Y gallu i feddwl yn greadigol a llunio cysylltiadau rhwng y casgliad a phrofiadau bywyd pobl.
Sgiliau trefnu rhagorol, gan gynnwys y gallu i flaenoriaethu llwythi gwaith, amlwasgio, gweithio o fewn terfynau amser cystadleuol, a chyflawni prosiectau o fewn yr amser a'r gyllideb sy'n ofynnol.
Sgiliau rhyngpersonol rhagorol a'r gallu i uniaethu ag ystod amrywiol o bobl o gefndiroedd amrywiol
Sgiliau gwaith tîm rhagorol, gyda'r gallu i arwain timau bach a gweithio o fewn tîm.

Dull ystwyth a hyblyg o weithio ar draws prosiectau cyfochrog.

Dymunol

Profiad o reoli gwirfoddolwyr

Y gallu i siarad ac ysgrifennu yn Gymraeg

6.0 Y Broses Ymgeisio

6.1 Yn achos pob ymholiad ac i wneud cais cysylltwch â:

Dale Copley, Rheolwr Prosiect

hello@lodeheritage.com

07841870445

Darparwch y canlynol, os gwelwch yn dda:

- Llythyr eglurhaol (dim mwy na chyfanswm o 2 ochr o bapur A4) yn disgrifio eich addasrwydd ar gyfer y rôl ac yn manylu ar brofiad blaenorol perthnasol
- CV llawn
- Manylion dau ganolwr y byddwn yn cysylltu â nhw os cewch eich gwahodd i gyfweiliad

6.2 Mae gan Ymddiriedolaeth Gregynog yr hawl i gynnal cyfweiliadau cyn penodi.

6.3 Mae gan Ymddiriedolaeth Gregynog yr hawl i beidio â phenodi os nad oes ymgeisydd cymwys addas yn gwneud cais.

7.0 Meini Prawf Asesu

	Aseswyd trwy:	
Profiad	Cais/Cyfweliad	50%
Sgiliau a phriodoeddau	Cais/Cyfweliad	50%

ANNIGONOL	Methu'n llwyr â bodloni'r safonau gofynnol neu nid yw'n darparu cynnig.	0
GWAEL	Mae'r cynnig yn methu'n sylweddol â bodloni'r safonau gofynnol, yn cynnwys diffygion sylweddol a/neu'n anghyson â chynigion eraill.	1
LLAI NA BODDHAOL	Mae'r cynnig yn methu â chyflawni'r safonau gofynnol mewn nifer o agweddau adnabyddadwy ac yn arwain y gwerthuswr i wneud rhagdybiaethau.	2
BODDHAOL	Mae'r cynnig yn bodloni'r safonau gofynnol.	3
DA	Mae'r cynnig yn bodloni'r safonau gofynnol ym mhob agwedd berthnasol ac yn dangos dealltwriaeth dda o'r gofynion.	4
RHAGOROL	Mae'r cynnig yn bodloni'r safon ofynnol ym mhob agwedd berthnasol ac yn rhagori ar rai neu'r holl brif ofynion.	5

DIWEDD